

目 录

舌鉴辨正序·····	一
凡例·····	五
卷一·····	九
全舌分经图·····	九
白舌总论·····	一〇
黑舌总论·····	四九
卷二·····	六九
灰色舌总论·····	六九
红色舌总论·····	八一

紫色舌总论·····九九

霉酱色舌总论·····一〇七

蓝舌总论·····一〇九

妊娠伤寒舌总论·····一一一

附治白喉方·····一二〇

书局刊本影印，以飨读者。

中医古籍出版社

一九八五年五月

舌鑑辨正序

上古診脈不止於手凡乳下

見素問平人氣象論

兩額兩頰耳前足

指踝後

素問決死生論

跌陽

傷寒論

無不按切又不第於寸關尺分

三焦

王叔和脈經寸主上焦出頭及皮毛關主中焦腰腹尺主下焦少腹至足

兼以輕重別藏

府

脈經持脈如三菽之重爲肺部如六菽之重爲心部如九菽之重爲脾部如十二菽之重爲肝部按之至骨爲

腎部

所謂三部九候

詳素問

其術良多後世失傳但診手脈則

三部亡其二卽以手論如素問尺內尺外一節

見脈要釋精微論

之者紛若聚訟莫得其諦則九候又亡其八於此而猶强

執方寸之腕高談脈理夫亦恟怳迷離聊遵故事耳聞嘗

涉獵醫書一證兼數脈一脈兼數證脈象由臆度病狀括

萬千言之多文行之鮮實軒岐心法藐不可追術家論著
半屬自欺揆之鄙意未敢盡信身瘦多病聽醫者妄言之
妄治之久不得效諉諸天命繼思於切脈之外別求一法
見 四庫書目載吳江張登舌鑑一卷以舌審病立術頗
新然寓吳江二十餘載未見此書近年侍嚴親宦遊足跡
半於中國時時善病各省名醫亦皆據脈立方其能言陰
陽傳變五行生剋運氣流行諸空談者卽侈然自足而於
切實治病之技究無把握歲癸巳在新疆偶理舊書心煩
骨疼億甚論者咸指爲虛主滋陰降火明年益劇入夜熱
氣上沖胸膈煩躁四肢搐戰友人爲言茂名梁特巖先生

世精於醫緣事出塞可求治焉既見先生令吐其舌決爲
實熱服苦寒多劑聞者皆駭而氣沖摘戰等事漸止體中
舒泰叩先生所學以察舌色舌苔爲主祕其家傳慎不肯
宣意必與張謐先舌鑑相似屬坊友覓得蜀板舌鑑大喜
以示先生謂與家傳之術迥殊保廉因條舉以問因請先
生辨其謬而正其偏日錄數條三閱月成二卷名曰舌鑑
辨正非獨爲醫林別樹一幟實足輔切脈之窮也抑又聞
之素問云舌轉可治大奇論金匱云舌黃可下傷寒論有舌
白苔滑及舌乾急下諸說華陀察色訣云舌卷黑者死見脈經
觀病於舌自古有之則以此書爲復古也可舌不隔膜

且爲心苗目視明澈勝於手揣則以此書與脈經並行也
亦可

光緒甲午孟夏秀水陶保廉序於烏魯木齊

凡例

一吳江張登傷寒舌鑑一卷求之不得四川萬縣王文選所刻活人心法四冊內有舌鑑據云合張氏一百二十舌薛氏醫案三十六舌梁邑段正誼瘟疫十三舌擇錄一百四十九舌是王文選所編不盡張登原本而張氏之說固十居其九也今卽取此爲原本

王文選非知醫之人又云舌鑑出於醫通不知醫通

爲吳江張璐所輯璐字石頑而舌鑑爲張登所撰登字誕先

一舌鑑統論舌色不分藏府部位茲冠全舌分經圖於卷首係明季良醫祕傳以察各藏病機遵之數世確有徵驗

一原本圖象太拘如中黑邊白右黑左白白中雙黃之類

病舌所顯之色其界限斷非截然分清。惟偏濃偏淡處。自有不同之狀。閱歷深者必能知之。閱者勿泥圖以觀。

一原本拘執五行以顏色之生尅決病人之或劇或死。聞有可治者亦束手坐視矣。今廢棄舊說。閱歷深者自知病狀未必盡合五行。

一原本拘於傷寒日數。不知病情萬變。安能悉如古法。傷寒傳經無一定日數。所傳之經亦無一定次序。而傳經亦不但傷寒。凡傷暑傷熱皆能傳也。

一原本祇以舌色辨傷寒。不知種種雜病。皆可觀舌以別寒熱虛實。

一辨舌較證脈稍易脈隔皮而舌無皮也寒脈不變熱脈多變而舌色則不亂也切脈憑指涉於恍惚而觀舌憑目尤爲昭著也脈動之源根於心每刻心跳若干次則脈動亦若干次以脈驗心病頗顯以脈驗他藏之病每易混亂况病人心血阻滯往往病未必死而脈已結代或伏亂惟舌居肺上湊理與腸胃相連腹中元氣薰蒸醞釀親切顯露有病與否昭然若揭亦確然可恃

一 小病以舌脈參判久病及略重之病脈有時不可憑者則當舍脈憑舌切勿拘執脈象

一 圖說祇見大概耳聞不如面授看書不如臨證

一原本既經辨駁不能概錄以省繁文

一原本以舌分類不以病分類未能盡合鄙意惟不欲大

反前規故諸舌次序悉依原本

宜參看醫學答問
憑舌辨證之法

一原本繪舌雖多有不常見者有常見而或遺漏者閱者
以意會之勢不能一一申說

一各條所論有前後重複者有言不盡意者閱者諒之


一舉世但知外症有腐壞之狀不知內科諸症藏府經絡
亦多有發熱處或腐壞處舌色改變腹中之惡狀可想投
以溫補滋補非益其熱而促之爛乎故非重劑苦寒不可
言之駭聽泥古者必以爲非閱歷深者或自悟乎

舌鑑辨正卷一

茂名梁玉瑜傳

秀水陶保廉錄

全舌分經圖



舌根主腎命大腸應小腸舌

中左主胃右主脾舌前面中

間屬肺舌尖主心心包絡小

腸膀胱應大舌邊左主肝右

主膽舌尖統應上焦舌中

應中焦舌根應下焦

白舌總論

白舌爲寒。表證有之。裏證有之。而虛者熱者實者亦有之。

故自古辨病較難

不獨傷寒始有白舌。而白舌亦可以辨傷寒。其

類不一。白浮滑薄苔。刮去卽還者。太陽表寒邪也。白浮滑

而帶膩帶漲。色分各經。刮之有淨有不淨者。邪在半表半

裏也。全舌白苔。浮漲浮膩。漸積而乾。微厚。刮不脫者。謂刮去浮

面而其底仍有寒邪欲化火也。辨傷寒舌大約如此。傷寒亦有黃舌黑舌分論

於至若雜病之人。舌白嫩滑。刮之明淨者。裏虛寒也。無苔有津

濕而光滑。其白色與舌爲一。刮之不起垢泥。是虛寒也。口唇必潤澤無縫。白厚粉濕滑膩苔。刮

稍淨。而又積如麪粉發水形者。裏寒濕滯也。白粗澀。有朱

點有鱗紋之苦。

粗澀則不光澤。朱點則顯其藏府。有熱裂鱗紋多因誤服溫藥之故。

白乾膠

焦燥滿苦。刮不脫。或脫而不淨者。

刮去垢泥後底子仍留。汚質膩澀不見鮮紅。

裏熱結實也。

此舌頗多其苦在舌。比之面上。傳粉刮之多。垢其白色與舌爲二物。是熱也。與前論之虛。

寒舌相反。當認明。此苦由淺而深。將黃未黃。或竟變黑者也。不可用溫補藥。

若白苔夾變別色

見於某經。即是某經病重。凡表裏寒熱虛實證皆同。辨舌

者宜於望聞問切四事參攷之。庶幾不差。

第一微白滑苔舌。如圖中微白光滑邊淡

紅而有津。此脾胃寒而心肝膽虛也。無病

人見此可勿藥。裏虛寒證有此舌。宜專經

溫補。若初感寒邪在太陽。頭痛身熱惡寒



無汗。脈浮緊而見此舌者。宜溫散表藥。凡感邪尚淺者。多未顯於舌。必執此爲傷寒之舌則謬。



第二薄白滑苔舌。如圖中薄白。尖深紅。此脾胃微寒而心經熱也。無病人有此勿藥。若見脾胃寒證。偏於白滑重在滑字。濕而多津。宜用辛溫。

藥治。若見心經熱證。偏於深紅。少津。宜用清涼藥。若初感熱邪在

太陽。頭痛身熱無汗。眩暈口乾。鼻氣熱者。宜用涼散表邪。

藥得汗自愈。此係初感邪未見於舌也。不可拘定白舌爲寒而誤用溫散。舊說泥於二

三日傷寒未曾汗。太陽與少陽合病。方有是舌。則謬甚。

第三厚白滑苔舌。如圖中厚白。尖邊無異色。此脾胃有寒。

厚白滑苦

厚白

濕也。表裏證皆有之。傷寒邪在太陽。口不乾。舌不燥。頭痛發熱。無汗惡寒。身痛脈浮。緊者。宜麻黃湯發汗自愈。

凡表證兩臉必熱。

若雜

病裏證。宜白朮。蒼朮。乾薑。附子等藥。

若舌厚白不滑。無津而燥。是實

熱也。斷不可用此等溫藥。

舊說治法亦合。惟僅言表證未及裏證耳。

第四乾厚白苔。舌中乾厚白。尖邊無異色。脾胃熱滯也。裏

乾

證宜三仙丹

梁氏三仙丹用黃芩厚朴枳實

加石斛山查

厚

乾厚白

麥芽等藥。若傷寒表證見此舌。是邪熱在

白

少陽。其證多口苦耳聾。發熱煩燥。四肢逆

冷。

寒熱往來不等。宜小柴胡湯。舊說謂營熱胃冷未合。

第五白苔黃心舌。傷寒傳至陽明也。若微黃而滑潤。仍當

汗解。宜柴葛湯。若苔焦口渴煩燥譫語燒

熱。宜白虎三黃等湯。若苔燥大便閉。宜大

柴胡湯。

柴胡大黃枳殼半夏赤芍黃芩生薑大棗

若雜病裏證

見此舌。中黃刮不淨者。脾胃實熱也。宜白虎三黃大黃酌用。若中間黃苔一刮即明淨。餘苔俱白色不紅。而多津濕潤者。則為寒證。宜分經辨準。用辛溫藥。舊說未盡善。

第六白苔黃邊舌。如刮之淨者。無病人也。

所謂淨者。必須清潔光明。見淡紅潤澤之底。若底留粗澀垢膩如薄漿糊一層者。即為不淨。即刮不脫或不淨者。是脾胃真熱。是內熱。



假寒

黃色是真熱
白色是假寒

心肝肺膀胱爲陽火逼迫

邪火實火而
均爲陽火而

移熱於大腸也。其爲病多咳痛心胸熱小便濇大便或結

或泄

熱極則脾縮
不靈故亦泄

或瀉紅白痢不等咳痛心胸熱者宜生

石膏知母三黃花粉竹茹等藥小便濇者宜木通車前三

黃等藥大便結或泄者宜調胃承氣湯紅白痢者宜芩連

治痢湯舊說拘於中白爲寒誤也

第七乾白苔黑心舌其黑苔濕潤一刮卽淨者裏證真寒

假熱舌也當以十全甘溫救補湯加減治

之黃者人參白朮熟地川芎
歸身鹿茸白芍茯苓甘草若乾黑刮不


淨是傷寒邪已化火傳陽明胃府症每常



發燒譫語。口乾渴。不惡寒。或自汗從頭面出至頸而止者。不等。宜白虎湯。不次急服。至黑苔漸退。周身出汗。透徹。燒退。卽愈矣。倘服白虎數劑。而中苔仍乾黑。燒熱未退。大便閉急。繼以大承氣湯。間用破格白虎三黃。不次急投。必俟乾者濕。黑者退。則病愈。若不明利害。偏執臆斷之書。忌用苦寒。自誤其生。別無補救之法。如舊說云。二三日未汗。有此舌必死。皆因臨證少。未能憑舌求治耳。辨傷寒舌必拘。幾日見某色。是茹古不化。以耳爲目。誤已誤人。莫知其謬。能辨舌者。不論一日十日。卽以所見之色。分經辨證。對病用藥。其效如神。

第八白滑苔尖灰刺舌。如濕潤刮之即淨者。真寒假熱也。


白滑苔尖灰刺



表裏證均有。宜辛溫燥濕。若乾厚刮不淨者。是脾胃爲濕熱。困心肺熱極。裏證也。宜苦寒藥。若傷寒見此舌而乾厚者。亦邪熱

入裏。熱通心肺矣。不必論脈之長短。即用大承氣湯。不次急下。以灰刺退淨爲止。十不失一。若服藥限於一日一劑。則非救急之法。

白苔滿黑乾刺



舊說指爲陽明兼少陽舌。脈弦數者死。拘定舊法。不能急瀉裏熱。宜其死也。

第九白苔滿黑乾刺舌。如刮之黑刺即淨。光潤不乾。口渴而消水不多。發燒欲剝衣。滾地者。在雜病爲真寒假熱之裏症。以甘

溫除大熱法加減甘溫救補湯治之愈。

曾治症此等病

若刮之不

淨乾燥粗澀乃十二經皆熱極不獨傷寒傳陽明裏證始

有此舌也。舊說謂其證不惡寒而惡熱者大柴胡加芒消

急下之。遵傷寒古法不錯。今人惑於時書偏說謂芒消等

藥不可輕服。見有此舌不敢急投。或限以一日一劑。誤人

多矣。能知辨舌利害者。凡各病裏症見此舌。卽以十全苦

寒救補湯。

生石膏知母黃芩黃連黃蘗大黃芒消厚朴枳實犀角

不次急投。服至黑

刺退淨爲止。履險可以如夷。

第十白滑苔黑心舌。若刮之卽淨而濕潤者。真寒假熱舌

也。宜十全辛溫救補湯。

附子乾薑肉桂豆蔻木香陳皮半夏川椒丁香藿香

若刮不

白滑苦黑心



淨而膩澀粗燥者。實熱裏證也。宜平陽清裏湯。傳薪集方生石膏知母黃芩黃連黃蘗犀角羚羊角生甘草表邪入裏者亦有之。大熱譫語。或食復發熱。或

利不止者。皆宜十全苦寒救補湯。


前見加減。不次急投。凡言不次

急投者皆當循環連進此家傳歷代經驗者也

服至黑苔退淨爲準。遲疑難治。

第十一半邊白滑舌。白滑無苔。乃寒也。白滑在左。乃肝寒。

半邊白滑



宜溫肝藥。在右乃膽寒。宜溫膽藥。然傷寒證無如此清楚之舌。舊說指爲半表半裏。用小柴胡加減。不知合否。余不敢妄斷。

第十二藏結白滑舌。或左或右。半邊白苔。半邊或黑或老



黃色邪結在臍也。舊說用黃連湯加附子。結在咽不能言語者。生脈散合四逆湯可救。十中一二。家訓云。歷見此舌。依此等治。

法。十無一生。

凡言家訓者。皆余六世祖得諸名師秘傳。歷代口授經驗之詞。

白滑無苔舌。

虛寒體也。感寒邪者。色亦如此。若半邊有黃黑苔。則寒邪已傳裏。鬱結在臍。久而化火矣。當舍其白滑。急治其標。看某邊色見老黃或黑者。卽從黃黑邊治。左黃黑者。邪火逼肝也。宜用胡黃連。羚羊角。犀角。青蒿。山梔。石膏。知母等藥。右黃黑者。邪火逼膽也。宜龍膽草。青蒿。柴胡。石膏。知母。三黃等品。黃黑苔不論結左右。喉痛不能語言者。宜山豆根。

石膏知母三黃大黃桔梗甘草等藥對病施治。瞑眩乃瘳。見此舌能知治法。可保萬全。


第十三白苔黑斑舌。如刮之即淨者。微濕熱也。宜瀉濕清

熱。若刮不淨者。

底子膩澀。粗燥乾苦。

十二經皆實熱。

白苔黑斑



陽火燒陰將竭也。皆裏證。無表證。不論傷寒傳裏及諸病證。見此舌者。以十全苦寒

救補湯加減。

見第九舌。

不次急投。服至黑斑退淨方愈。萬無一

失。


或偶試用涼膈散承氣湯遲疑緩投。亦難補救。明利害者當詳酌之。

舊說指白中斑點謂

水尅火。僅能十救一二。謬甚。

第十四白苔燥裂舌。舊說謂傷寒胸中有寒。丹田有熱。故

白苔燥裂



苔白。因過汗傷營。舌中無津。故燥裂。內無實熱。故不黃黑。用小柴胡加芒消微下之。醫家多主此說。然似是而非。治病罕效。家

訓云。白苔燥裂。舌乃因誤服溫補。灼傷真陰所致。非傷寒過汗所致也。無黃黑色者。真陰將枯竭。舌上無津。苔已乾燥。故不能變顯他色。藏府有逼壞處。故舌形罅裂也。治宜大承氣湯。大黃芒消厚朴枳實急下以救真陰。歷試良效。

白苔黑根



第十五。白苔黑根。舌若黑根無積膩。白苔薄滑。刮之即淨。舌上多津。口不渴。或渴而不消水者。真寒假熱也。宜十全辛溫救補。

湯見第十加減。不次急投。黑根自退。病卽愈。若黑根積膩粗。澀白苔乾厚。刮之不淨。無津燥苦。口渴消水者。真熱假寒也。宜十全苦寒救補湯加減。不次急投。黑根漸退。疾乃瘳。舊說泥於火被水尅之象。固甚謬甚。

第十六白尖黃根舌。傷寒邪初入裏化火也。未可遽用承

白尖黃根



氣宜大柴胡湯。若非傷寒證。則當分經辨色。乾黃爲熱。潤白爲寒。若尖上之白厚膩。粗濇則概作熱論。專經對病。用藥補偏。

第十七白苔雙黃舌。舊說云此陽明裏證也。因邪熱上攻。致舌有雙黃。惡熱轉失氣煩躁者。大柴胡調胃承氣下之。

白苔雙黃



其說是也。若別證見此舌，是脾胃熱而諸

經無病，宜用生大黃、三黃、枳、芍、厚朴等藥。

此是白中夾黃耳。未必如圖式之整齊分明也。凡此等圖當以意會之，不可拘泥。

第十八白苔雙黑舌，乃寒邪入裏化火，熱逼脾胃也。實熱

雜證皆有之。宜白虎湯去粳米、甘草，加大

黃治之。人尚能飯食，故去粳米。舊說用理

中湯。醫家多如此，誤人不少，當明辨之。

第十九白苔雙灰舌，如滑潤一刮即亮淨


者，中寒鬱滯也。宜薑、桂、附、厚朴、春砂、香附

等藥。如乾厚無津，刮不淨者，乃傷寒化火

白苔雙灰




白苔雙黑



鬱熱攻裏也。宜大承氣急下。灰色退淨乃愈。舊說云無津者不治。非也。

第二十白尖中紅黑根舌。如舌尖白而根灰黑少者。乃少

白尖中紅黑根



陽邪熱傳府。熱極而傷冷飲也。水停津液

固結而渴者。宜四苓散。自汗而渴者。宜白

虎湯。下利而渴者。宜三黃解毒湯。舊說是

也。若黑根多。白尖少。中鮮紅。或不甚紅而乾澀者。宜大承

氣湯。不次急投。黑根退淨乃愈。

第二十一白苔中紅舌。太陽經初傳也。無汗者發汗。有汗


者解熱。亦有在少陽者。小柴胡湯加減治之。舊說是也。

白苔中紅




第二十二白尖紅根舌邪在半表半裏也其證寒熱往來

白尖紅根



耳聾口苦脇痛脈浮弦小柴胡湯和解之舊說是

白苔尖灰黃



第二十三白苔尖灰根黃舌太陽經熱并於陽明也如根黃色開白目黃小便黃者宜茵陳蒿湯加減舊說是

第二十四白苔尖根俱黑舌乾厚刮不淨者乃心腎熱極

白苔尖根俱黑



脾胃真熱假寒也。其證多發燒譫語呃逆乾嘔食物即吐昏迷似睡而卻非睡惟十

全苦寒救補湯

見第九舌

不次急投勿稍遲緩

黑色退淨方愈。舊說謂金水太過火土氣絕乃臨證少治

法窮之論也。謬甚。

第二十五純熟白舌

光滑無苔

乃氣血兩虛藏府皆寒極也宜

十全甘溫救補湯

見第七舌

加薑附桂不次急


投至白色生活

轉淡紅

乃愈。若用藥遲疑虛

寒過度即難治。傷寒證無此舌如舊說謂


純熟白舌



冷食停積用枳實理中湯必致十無一生所見多矣

第二十六淡白透明舌不論老幼見此舌卽是虛寒宜補

淡白透明



中益氣湯加薑桂附治之風寒傷寒證均無此透明之舌透明者全舌明淨無苔而淡白濕亮閒或稍有白浮漲似苔卻非苔

也此爲虛寒舌之本色若感寒邪者有薄浮滑苔故云傷

寒無此舌

以上二者爲虛寒白舌之準

白苔弦淡紅



第二十七白苔弦淡紅舌其白苔薄滑者在表證爲邪初入裏丹田有熱胸中有氣乃少陽半表半裏證宜小柴胡湯梔子豉

湯舊說是也。

凡邪在半表裏者多宜散表防裏。

若裏症見此舌。

白胎一副即光淨者。

乃寒結脾胃也。宜理中湯。

第二十八白苔黑點舌。傷寒白苔中黑小點亂生。尚有表

症者。其病來之雖惡。宜用涼膈散微表之。

白苔黑點



連翹梔仁大黃甘草朴消條芩薄荷竹葉表退即當下。用調胃

承氣湯。舊說是也。若裏證則仿第十三舌。

第二十九右白苔滑舌。病在肌肉。邪在半表半裏。必往來


寒熱。宜小柴胡湯和解之。舊說是。

右白苔滑



第三十左白苔滑舌。此臟結之症。邪并入臟。最難療治。若

屬陽症。口渴腹脹。喜飲冷者。宜承氣湯下之。若陰結。口渴而不喜飲冷。胸中痞滿者。宜濟川煎。當歸川芎荳蔻澤瀉升麻枳殼舊說是也。



第三十一偏白舌。如全舌光白無苔。則虛寒也。如淡白兼

微紅無苔。則無病人也。若瘟疫見此舌。則舌上必有烟霧白色蓋滿。而有惡寒發熱。胸腕不清。或嘔吐頭痛身痛。日晡煩熱。口



臭難聞等證。宜以十全苦寒救補湯急投之。非表症也。舊說云。疫邪在表。用達原飲二劑而安者。檳榔厚朴草菓仁知母白芍黃芩各

一錢甘。或是白滑苔。舌則可。否則謬。蓋辨色未明。懵然施治。而偶中者也。倘舌白如積粉。遍布滑而不黃者。乃寒滯也。宜溫中行滯。表症無此舌。舊說云邪在胃家。又三陽表證。用柴葛羌活。裏證加大黃。俱謬。

第三十二白苔乾硬舌。有似砂皮。

一名水晶苔。

凡厚白苔。本能

白苔

乾似砂皮

變黃色。若此苔當其白時。津液已乾燥。邪雖入胃。不能變黃。宜急下之。

用承氣。

如白苔

潤澤者。邪在膜原也。邪微苔亦微。邪毒既

盛。苔如積粉滿布。此時未敢遽下。而苔色不變。口渴喜飲

冷者。服三消飲。

即達原飲加大黃。羌葛柴胡薑棗。

次早即顯黃色。舊說是

黃舌總論

黃苔舌表裏實熱證有之。表裏虛寒證則無。刮之明淨。卽

爲無病。

必須清潔光明。見淡紅潤。刮之不淨。均是熱證。刮後

仍留粗澀垢膩如薄漿糊。一層者。或竟刮不脫者。

淺黃膩薄者。微熱也。乾澹深黃

膩厚者。大熱也。芒刺焦裂老黃。或夾灰黑色者。極熱也。黃

苔見於全舌。爲藏府俱熱。見於某經。卽某經之熱。表裏證

均如此辨。乃不易之理也。治裏證分經辨準。對病用藥。必

不差訛。表證風火暑燥。皆有黃舌。惟傷寒邪在太陽少陽

時。均無黃苔。待邪傳陽明府。其舌必黃。初淺久深。甚則老

黃。或夾變灰黑。其證多大熱大渴。或無汗。或自汗。譫語。病

結咽乾。目暗。大小便秘。衄血吐血。蓄血如狂。自利清水不
等。以舌脈相較。審證無誤。若邪火裏逼。實熱裏結。諸危證。
其脈往往伏代散亂。奇怪難憑。重病久病亦然更有則當
輕病而脈即伏亂者舍脈憑舌。專經急治。斯爲盡善。若泥於火乘土位。故有黃
苔之說。迂執誤人矣。

第三十三 純黃微乾舌。傷寒傳經至陽明府。寒邪已化火。



故舌中尤黃。其證多大熱大渴。譫語不等。
宜白虎湯。不次急投。至黃苔漸退。乃愈。若
辨舌不準。過於遲疑。邪必傳入更深也。如

雜病裏證。見此舌者。是藏府皆熱。宜三黃承氣酌用。

第三十四黃乾舌。全舌乾黃。藏府均大熱。有病皆屬裏證。

無表證不論傷寒雜證見此舌。即爲實熱。宜

黃乾全舌乾黃

十全苦寒救補湯。見第九舌不次急投。雖大熱

喘躁頻瀉亦不慮。以服至黃退色潤爲愈。

十無一失。舊說云下後脈靜者生。大熱喘躁者死。是未知

舍脈憑舌之法。又不敢連用苦寒。何以望生。

第三十五黃苔黑滑舌。其黑滑在中者。均陽明胃裏症。無表

症宜白虎湯。去梗加三黃不次急投。至舌

淨而止。如大便閉則加大黃。大便不開舊


說謂下後身涼脈靜者生。大熱脈躁者死。



舍舌執脈以判生死。實因閱歷未深。欺己欺人耳。

第三十六黃苔黑斑舌。在雜病爲藏府實熱。在傷寒爲邪

黃苔黑斑



傳陽明轉入三陰。其證或大熱大渴。譫語狂亂。口燥咽乾。循衣摸牀。身發黃黑斑。不
等。醫書多云不治。如見此舌。卽用十全苦


寒救補湯。倍加生石膏。限定時刻。不次急投。服至黃黑胎

漸退。則病立愈。舊說治譫語發斑者。用升陽散火湯。人參

黃芩柴胡麥冬白朮誤人多矣。願勿惑於其說。

第三十七黃苔中黑通尖舌。乃心肺脾胃腎大小腸均熱
極也。皆裏症。無表症。若兩感傷寒見此舌。則邪已入陰矣。

黃 中 黑 通 尖



治法與實熱證同。凡昏懵或惡寒或不惡寒。口乾苦。齒燥咽乾。頭面自汗如珠出。至頸而止。大小便秘。下利臭水。六脈怪奇伏。

代。各證若見此舌。醫書俱云難治不治。然用十全苦寒救

補湯分爲三黃白虎湯大承氣湯白虎湯三劑。分力足。則循

環連服。不次急投。約一個時辰內三劑各飲一至黑苔退

淨乃愈。此舌多爲危病。能對證用藥。十可救七。舊說用調胃承氣又不急投。中惡難救。

第三十八黃尖舌邪熱初傳胃府也。宜調

胃承氣湯。大黃芒硝甘草。如脈浮惡寒。表證未盡。

則宜大柴胡湯兩解之。舊說是也。

黃 尖 舌



第三十九黃苔灰根舌。雖比黑根少輕。其實裏熱已急。如

黃苔灰根



脈沈有力而不煩躁直視者。宜大柴胡加減治之。如煩躁直視宜大承氣下之。舊說是也。惟祇舉一端耳。

第四十黃尖紅根舌。濕熱乘火位也。瘟熱初病多有此舌。

黃尖紅根



宜涼膈散。連翹大黃芒硝甘草解毒湯。黃芩黃連山梔等藥消息治之。舊說是也。

第四十一黃尖黑根舌。黑處多而尖尚黃。是各經皆極熱。而心經尚未極也。不論何病。皆屬裏證。即用苦寒救補湯。

黃尖黑根



分單開服。

以大承氣另爲一單也。

不次急投以服至

黑根退淨爲準。病卽愈。可保萬全。若畏用

苦寒。雖胃氣未竭。亦必轉瞬而絕也。如舊

說之迂。甘心坐視。見死不救矣。

第四十二黃苔黑刺舌。藏府極熱也。不論何病。

在雜病爲實熱裏結。

在傷寒爲邪已傳裏。均宜白虎湯及大承氣湯循環

間服。至苔刺退淨乃愈。舊說用調胃承氣

僅微下之。而不敢連投苦寒。藏府必壞。遂

黃苔黑刺



巡亦足誤人。

第四十三黃大脹滿舌。陽明胃經溼熱也。其證爲眼黃身

黃大服滿

黃大服大

黃便閉煩躁者宜茵陳蒿湯

茵陳蒿先煎
梔子大黃後

入若小便不利而發黃者宜四苓散


茯苓
豬苓

澤瀉白朮加茵陳梔子黃連木通舊說是也如

無上各證而發熱煩躁胸中滿困倦不安者宜大承氣

第四十四黃尖白根舌傷寒少陽膽經傳陽明府病也若

黃尖白根



陽明證多者

口苦咽乾腹滿微喘
發熱惡寒脈浮緊

宜大柴

胡湯

見第
五舌

少陽證多者

頭痛發熱
脈弦細

宜小柴

胡湯

柴胡黃芩人參甘草生薑半夏
大棗右胸煩外熱者勿用參

如譫

語煩躁內熱者宜調胃承氣湯舊說是也

第四十五黃根白尖舌在傷寒爲表邪少而裏邪多也宜



益元散滑石六兩甘草一兩與涼膈散見
為末加辰砂少許
十合用如陽明無汗小便不利心中懊煩
者必發黃宜茵陳蒿湯見舊說是也如大

便難胸中悶睡時多夢者裏證實熱也宜調胃承氣湯

第四十六黃根灰尖舌如不吐不利心煩而渴者胃中有



鬱熱也宜調胃承氣見三十加黃連灰色
舌尖屬心舊說是也
故兼清心

第四十七黃根白尖短縮舌短而硬不燥不滑但不能伸
出其證多譏語煩亂乃痰夾宿食占據中宮也宜大承氣


黃根白尖縮



加生薑半夏治之舊說是也

第四十八黃苔舌如傷寒見尖白根黃則表證未罷也宜

黃苔舌



先解表然後攻裏如大便塞者宜涼膈散
見四小便濇者宜四苓散益元散合用加
木通舊說是也若雜病見此舌色黃結實

者均屬實熱裏症宜分經審病用苦寒藥

凡黃舌皆爲實
症熱症無虛症


寒症辨舌
者當知之

第四十九初病微黃舌傷寒初病失汗

謂當用表散之表
時失誤未表也

邪入裏見此舌者每發譫語宜並用雙解

初病微黃



散防風荆芥連翹麻黃薄荷川芎當歸白芍白朮山梔黃芩石膏桔梗甘草滑石解表兼解裏和血復調氣故曰雙解散本方加大黃芒硝名防風通聖散治表裏俱

實熱河解毒湯

見四

汗下兼行舊說是也若邪傳入深及

雜病裏證見此舌均爲實熱宜白虎三黃等湯

第五十日久微黃舌如傷寒表病未罷者宜小柴胡湯合

日久微黃



益元散若微黃而兼膩者宜大柴胡湯下之若身目俱黃者熱溼也宜茵陳湯表裏並除舊說是也如雜病裏症見此舌者均

爲實熱如黃色一刮極淨者爲無病可以勿藥

第五十一 白苔變黃舌傷寒表邪失於汗解初傳入陽明



寒邪已化火其證多大熱大渴宜竹葉白
虎湯 生石膏知母竹葉 從陽明經發汗清解之自
愈此邪在半表半裏不可驟下如舊說急

下之必致陷胸矣如全舌皆變黃而苔濇則宜大承氣湯
以下之望舌者宜留意勿誤

第五十二 黃苔白絃舌此舌常有黃在中脾胃熱也白在



弦別經無熱或有寒也 白滑無苔為寒若乾厚或濇則亦熱
為病尚輕如感熱邪表證宜涼散之若雜
病實熱裏證宜清涼脾胃舊說專指煩渴

嘔吐表症則迂矣

上二條當與第五第十六十七第十四五第四十八五十四諸條參看

第五十三黃苔黑點舌藏府全熱也不論何病

或傷寒傳裏化火或

黃

感暑熱邪通裏或雜病實熱裏症

均宜白虎湯

去梗米

與大

點黑苔



承氣湯間服不次急投候黑點退淨方愈

若舊說投調胃承氣後卽進和解散恐十

難救一也

與第三十五三十六三十七三十九四十一四十二諸舌互考

第五十四黃苔尖白舌如表症未去宜先解表後攻裏如

大便秘宜涼膈散小便不利宜四苓散加

木通車前舊說是也若雜證見舌中黃爲

脾胃熱舌根黃爲腎腸俱熱宜白虎湯加

黃苔尖白



大黃涼瀉之

黃苔退淨舌尖之白即反紅色本治則未亦治也與第四十八五十二兩舌參看

第五十五黃苔生瓣舌苔黃而澀中有花瓣形者熱入胃

府邪毒深矣心火煩渴宜大承氣急下之

身黃如橘目黃如金者宜茵陳湯如下焦

蓄血者宜桃仁抵當湯

熱在下焦少腹脹滿瘀血在裏小便

黃生黃



自利屎鞭如狂善忘諸症宜之大黃
生地歸尾桃仁穿山甲元明粉桂心蓄水在脇內腫脹者

宜十棗湯

芫花醋炒甘遂麩煨大戟蒸晒大棗先煮

結胸甚者宜大陷胸湯

傷寒

當表而誤下之脇痛煩躁心下鞭而痛
者爲結胸用大黃芒硝甘遂先煮大黃有痞血者宜大黃

瀉心湯

大黃黃連

舊說盡善

諸方皆重劑勿妄用須熟於傷寒隨症詳審

第五十六黃變沉香舌焦燥之狀也若熱甚則全舌將變

黃變沉香色

黃苦焦燥
色似沉香

黑生芒刺邪毒最深宜三消飲見三十加
重大黃或以大承氣下之後酌用養營諸
湯後見舊說是

第五十七根中漸黃舌外有白厚苔熱邪傳入膜原也舌

根中漸黃



根漸黃至中央邪初入胃也如有疫症已
傳三陽宜達原飲見三十如胸膈滿痛大
渴煩躁者伏邪內攻也宜急用三消飲下

之如既下後大便燥結又難再攻者宜清燥養營湯知母

當歸白芍陳皮地黃汁甘草燈心疫爲熱病暴發之後餘
邪未盡陰血未復不可遽補致生異症凡陰枯血燥者宜
此湯或承氣養營湯
即小承氣加知母當歸白芍生
地治伏邪未盡攻補兩難者
如痰壅

不清胸悶脇脹者宜雙貝養營湯

知母花粉貝母瓜蒌霜
橘紅白芍當歸蘇子生

薑如痰中帶血

舊說是也

與第五十一
五十二參看

加藕節茅根

黑舌總論

凡舌苔見黑色病必不輕寒熱虛實各證皆有之均屬裏證無表證也在傷寒病寒邪傳裏化火則舌苔變黑自舌中黑起延及根尖者多自根尖黑起者少熱甚則芒刺乾焦罅裂其初必由白苔變黃由黃變黑甚至刮之不脫溼之不潤者熱極傷陰也病重脈亂舍脈憑舌宜用苦寒以補陽火之偏急下以救真陰之弊在雜病見黑苔皆因實熱傷裏也亦惟連瀉熾火毋使枯竭若虛寒而舌黑者則必溼滑無苔

多津口不苦脣不燥

無朱點無芒刺無罅裂刮之明淨

如水浸豬腰有淡淡融融之形是藏府極寒之舌也宜用

十全辛溫救補湯

傳薪集

亦有真寒假熱證而見黑舌者其

舌必全黑而不分經且必由淡白之時忽然轉黑其初無
變黃之一境約略望之似有焦黑芒刺乾裂之狀然刮之
必淨溼之必潤環唇皆白而不紅焦寒結在藏也其證亦
周身大熱煩躁惡衣被與實熱邪火證相似實則中宮寒
極陽氣盡發於外也口大渴喜冷飲水卻不多與實熱諸
證略異外假熱而裏極寒也患此假證之人必煩亂昏沈
六脈必遲弱無力大便結常欲下而不下宜甘溫救補湯
甘溫除大熱之法也更有陰虛腎水虧而舌黑者頗似寒舌之光亮
無苔又似熱舌之焦乾無津詳細審察乃可無誤

其病狀必不同

宜參看醫學問卷

二辨陰火內傷篇

治宜六味地黃湯加減急投

然陰虛內傷之

占大都絳

色無苦


若腎絕舌黑過尖言歸於命別無治法

有煙癰之人常

多黑舌看法當比平常病人之黑舌減一二等算又有誤食物而染黑者宜明辨之

第五十八純黃黑舌乃實熱已極逼傷真陰也不論何

純黃黑舌



病何脈

均裏證無表證病人氣血不舒脈多伏亂難憑

確見其舌

純黃兼黑舌厚乾澀刮不淨

謂底子不清潔光明不顯

淡紅潤澤之色也

或刮不脫者即用破格三黃白

虎湯

黃芩黃藥黃連生石膏知母均破格重用也

與大承氣湯

大黃芒硝厚樸枳實循環

聞服不次急投服至黑苔退淨則立效若舊說云火極似

水藏氣已絕脈必代結一二日中必死是泥於五行拘於

六脈罔知補救誤人多矣

第五十九黑苔辨底紅舌藏府熱甚灼血銷津也多因實
熱人誤服溫補燥藥逼傷陰血故辨底見
淡紅其證口開目閉煩躁譫語狂妄便閉
不等勿論脈之伏代怪奇即用破格三黃



白虎加暹羅真犀角與大承氣湯循環開服不次急投黑
辦脫淨方愈若舊說僅以承氣下之而不敢重用苦寒急
涼血分知其一不知其二救人安能救澈乎

第六十黑苔辨底黑舌家訓云此乃藏府實熱已極或因
六氣之燥火侵淫或因百藥之燥火逼迫燥火與陽火

黑底辨苦黑



素有實火曰陽
火虛火爲陰火
交戰於中薰蒸於上而成

此舌猶之當暑炎熱土木生菌惟大雨時

行卽自銷滅可知舌有黑瓣非大寒涼藥

斷難起死回生此證多大熱大渴口開吹氣或絞腸痛絕

或頭腦脹痛求死或口噤不言或渾身發臭難聞或猝然

仆地不省人事雙目直視不等不論見何怪脈舍脈憑舌

看黑瓣尙未敷滿仍可救治急用十全苦寒救補湯生石

兩研粉生知母六錢去毛黃蘗四錢黃芩六錢黃連生大

黃芒硝各三錢生陳厚樸一錢生枳實錢半通犀角尖四

錢四倍石膏或分爲三黃白虎湯及不拘時刻不次急投

凡言不次者皆不限
定劑數須輪流急灌

服至黑瓣漸退舌底漸紅則病愈知

此法者雖危不死倘不明利害忌服苦寒或不敢多服必死無疑別無救法也如舊說云見此舌不可用藥雖無惡候脈亦暴絕不治此拘於切脈無知妄斷醫家卸肩之積習耳

余於辛卯七月道出清江浦見船戶數人同染瘟病其死余目擊心憫姑往診視皆口開吹氣舌則黑苔黑瓣底其親人向余求救不忍袖手卽教以用十全苦寒救補湯生石膏加重四倍循環急灌一日夜連投多劑病人絡續瀉出極臭之紅黑糞次日舌中黑瓣漸退復連服數劑三日皆全愈是時清江疫癘大作未得治法輒數日而死有聞船戶之事者羣來求治切其脈皆怪絕難憑望其舌竟皆黑瓣底均以前法告之其信者皆二三日卽愈其稍知醫書者不肯多服苦寒仍歸無救余因稍有感言留住十日以一方法活四十人頗得仙方之譽

第六十一 滿黑刺底紅舌全舌黑苔乾燥而生大刺手揉

滿黑刺底紅



之有聲掘開刺底尙見紅色不論何病皆裏證藏府熱極宜合用破格三黃白虎大承氣不次急投以黑刺退淨爲止病必愈萬無一失舊說但知以大陷胸湯下之而不知寒涼急投其黑刺必不退倘能十救一二亦幸事耳

第六十二刺底黑舌刮開芒刺底下舌色俱黑也用六十

刺底黑舌



舌苦寒急救之法尙有可醫舊說謂不必辨其何經何脈雖無惡候必死勿治此固醫家搪飾之常法然病家往往見重症安於必死惟謀進獨參湯以盡人事執定勿用苦寒亦足以

釀成時醫之惡習也

第六十三黑爛白齧舌藏府極熱兼受穢毒也患楊梅瘡者多有之他症罕見宜三黃銀花承氣等劑土茯苓作茶飲治如不效則將如舊說所云黑爛而頻欲齧必爛至根而死也



第六十四中黑邊白滑舌舊說謂表裏俱虛寒脈必遲弱



證必畏寒附子理中湯溫之

人參白朮附子乾薑甘草

夏月過食生冷而見此舌者則酌用大順

散

肉桂杏仁乾薑甘草治虛寒人夏月停冷食嘔呃者

冷香散生附片草

果仁橘紅甘
草炙生薑

然此舌必當慎辨若黑色潤澤光滑無苔刮

之平淨者是寒也可遵舊說治之若黑苔微厚粗膩雖滑

而刮之不淨

口苦唇燥

外無寒證脈非遲弱者則是實熱宜用

清涼脾胃藥寒熱之判勢如冰炭

當參看黑舌總論

第六十五紅邊中黑滑舌是脾胃肝膽俱熱而夾有溼邪

也若傷寒證見譫語者爲初傳陽明宜白

虎湯發汗自愈大渴大熱則倍用之舊說

謂冷食結滯虛人用黃龍湯

卽大承氣加甘草黨參當

歸薑棗桔梗邪熱傳裏譫語發渴身熱心下硬痛下利皆
清水此名結熱利症非內寒而利也宜此湯衰老者去芒
硝壯實人用備急丸巴豆一錢去淨油生薑三錢大黃三錢共爲末作丸如豆大治熱邪暴死

夏月中暈者用人參白虎湯三法雖不甚謬然難見效




第六十六通尖黑乾邊白舌是藏府實熱感觸火燥熏蒸

淫氣故邊白也其證多大熱大渴譫語煩

燥便閉咽乾不等宜白虎湯大承氣湯合

用連服以黑退爲度如舊說指爲陰陽兩



感傷寒用大羌活湯

羌活防風獨活細辛防己黃芩黃連蒼朮白朮甘草知母川芎生地黃

及冲和靈寶飲

即大羌活湯去獨活防己黃連蒼朮誤人多白朮知母加柴胡白芷葛根石膏

矣蓋拘定白黑判陰陽而不知黑舌均裏症無表症况既

乾而通尖裏急已極尙可雜投驅風之燥藥乎

第六十七黑邊暈內微紅舌邪熱入於心胞之候宜涼膈

散見四合大承氣湯下之舊說是也

黑邊中紅



凡黑舌偶有寒者紅舌則無寒證故黑暈
開紅可斷為熱


第六十八中心黑厚舌黑苔燥厚脾胃極熱也宜破格三

中心黑厚



黃白虎大承氣湯相間連服至黑淨乃愈
如舊說用生脈散黨參麥冬北五味合黃連解毒
湯黃連黃芩黃雖無大誤然病難愈也
藥梔子仁

中黑無苔



第六十九中黑無苔乾燥舌此舌宜詳辨
如中黑無苔而舌底乾燥有小點紋可見
者乃胃經實熱並無六氣侵擾也宜破格

白虎三黃治之如中黑無苔而舌底溼嫩光滑無點紋者

乃胃經虛寒

舌中屬胃

亦非六氣所擾也宜附子理中湯

見六十四

舌加肉桂黃耆治之舊說不辨寒熱專用生脈散合附子

理中誤人不少

第七十黑中無苔枯瘦舌傷寒八九日過汗津枯血燥舌

無苔而黑瘦大便閉腹中卻不硬滿神昏

不寐或時呢喃歎息者宜炙甘草湯

炙甘草

枝人參生地寸冬
麻仁生薑大棗

舊說是也若雜病裏證

黑中無苔枯瘦



見此舌者乃脾胃素熱而又誤服溫補辛燥藥傷其真陰也宜大承氣湯下之辨舌宜留意

第七十一黑乾短舌舊說謂厥陰熱極或食填中腕腫脹

黑乾短



所致急用大劑大承氣下之所論甚是又云十中可救一二服後糞黃熱退則生否則死者此識見未透僅知試用承氣而不

敢多投若能連服十中必能救八九

第七十二中焙舌其色純紅內有黑形如小舌者乃邪熱

中焙舌



結於裏君火熾盛宜涼膈散見四大柴胡湯見第五舊說是也

第七十三裏黑舌外見紅色內有乾硬黑色似小長舌其

裏黑舌



上有刺者熱毒盛熾堅結大腸急用調胃承氣湯下之舊說不謬然不如用白虎湯大承氣相間連服必愈

第七十四滿黑舌凡舌色全黑本爲陰絕當卽死而有遲

滿黑舌



延未死者非藏府極熱卽爲極寒尙留一線生機苟能辨準補偏救弊卻可不死如全黑無苔而底紋粗澀乾焦刮之不淨者

極熱也不論何證何脈皆宜十全苦寒救補湯

見第九數倍

生石膏急投必愈如全黑無苔而底紋嫩滑溼潤如浸水腰子淡淡澀澀洗之不改色者極寒也不論何證何脈宜

十全辛溫救補湯

見第十卷

重加薑桂急投可愈舊說謂水鉅

火百無一生則迂矣

參看總論

第七十五弦白黑心舌在傷寒爲邪入陽明化火已久熱

遍太陰少陰也宜破格白虎湯及大承氣

湯輪服不次急投黑心退淨則愈在雜病

爲實熱症如吐血者宜三黃白虎加犀角

大便閉者宜大承氣大熱大渴者宜白虎湯

勿用甘草

若拘於

弦白爲寒而不用苦寒藥則無救法舊說兼用五苓散謬


也若舌底光滑潤利之明淨無點

結焦紋者則爲寒宜與上條參看

第七十六弦紅中微黑舌外淡紅中淡黑者如惡風則表



弦紅中微黑



證未罷用雙解湯

見四十舌

解毒湯

四十舌


半以微汗之汗罷卽下之舊說是也如結

胸煩燥目直視者宜大陷胸湯

見五十及五舌

大承氣閒服舊說云不治者非也

第七十七灰色黑紋舌舊說謂脈實者急用大承氣下之



若脈浮渴飲水者涼膈散解之十人可救

一二依此法不過如斯而已實則見此舌

不論何證何脈用十全苦寒救補湯不次

急投服至黑灰退淨則立愈非臨證多者不知其妙也

第七十八根黑尖黃舌乃藏府實熱之最顯者不論何證

根
微黑又似
尖
黃
尖
平淡紅
黃

何脈宜十全苦寒救補湯見第九舌不次急投服至黃黑退淨則立愈萬無一失若見識不到畏苦寒藥如猛虎遲疑失機或偶爾

嘗試舌色不退病仍不愈反謂余言之謬不知大熱內熾必須苦寒必須多服連服否則自誤耳舊說養陰退陽微汗微下諸術皆緩不濟急矣

中
黑
心
黑
苦



第七十九中心黑苦舌若刮之即淨溼潤多津者真寒假熱也開或有之治宜十全辛溫救補湯不次急投至舌色不黑則病愈若刮之不淨乾焦膩厚者脾胃熱極也不論何病何脈宜破

格苦寒救補湯倍加石膏不次急投服至黑淨則立愈舊說但知以承氣下之而不兼涼脾胃勢難全愈也

第八十全黑無苦舌如無點無罅溼滑多水如水浸腰子

全黑無苦



淡淡融融者極虛寒也宜十全辛溫救補

湯

見第十舌

如無點無罅乾燥少津光亮似錢

者即絳舌之變陰虛腎水涸也妊娠者亦

有之宜十全甘寒救補湯

生地麥冬天冬萎蕤元參沙參淮山藥牡丹皮澤瀉地骨皮

加減酌用如有點有罅乾燥無津滴指如銚者極實熱也

宜十全苦寒救補湯

見第九舌

數倍生石膏不次急投服至黑

色轉紅則愈如黑色暗淡無苦無點無罅非溼非乾似亮

不亮者陽虛氣血虧也久病見之不吉宜十全甘溫救補

湯見第七凡見此舌皆危證也

均裏證無表證

寒熱虛實務當詳辨

稍有不明便易取禍舊說糊塗余不復述

以上三舌與七十四舌參看

三
金
判
二
三
矢
一

三

舌鑑辨正卷二

茂名梁玉瑜傳

秀水陶保廉錄

灰色舌總論

灰色不列五色乃色之不正也舌見灰色病概非輕均裏證無表證有實熱證無虛寒證有邪熱傳裏證有時疫流行證鬱積停胸證蓄血如狂證其證不一而治法不外寒涼攻下寒涼以救真陰攻下以除穢毒在當用之時不得訾爲戕伐焉舌鑑舊載總論謂熱傳三陰則有灰黑乾苔皆當攻下泄熱是也又謂直中

三陰見灰黑無苔者當溫經散寒此說甚謬蓋灰黑與淡黑色頗相似惟灰則黑中帶紫淡則黑中帶白之殊耳若寒邪直中三陰者其舌淡黑無苔宜溫經散寒如熱邪直中三陰者其舌灰黑無苔宜三黃白虎大承氣並用連投失出失入其害非輕願望舌者小心謹慎焉

第八十一純灰舌全舌無苔而少津者乃火邪直中三陰

純灰舌

灰

證也或煩渴或二便閉或昏迷不省人事脈則散亂沈細伏代不等舍脈憑舌均屬裏證凡灰舌無表證治宜三黃白虎大承氣並用

急速連投服至灰色轉黃轉紅爲止病則立愈舊說誤指

爲寒用附子理中湯

見六十四舌

四逆湯

生附子甘草乾薑

安得不致

漸漸灰縮乾黑而死乎

第八十二灰中舌傷寒症熱邪傳入厥陰舌中央灰色而

灰紅

消渴氣上衝心飢不欲食食則吐衄者宜

中紅

灰紅

烏梅丸

烏梅細辛乾薑當歸黃連附子川椒桂枝人參黃蘗此丸又治寒痢

舌紅

舊說是也若雜病見此舌爲實熱裏症則

宜大承氣與白虎湯合用

灰黑苔乾裂



第八十三灰黑苔乾裂舌此藏府熱極

又因誤食熱物或誤服溫補辛燥藥灼傷

真陰所致

凡裂紋者多因誤食溫燥物之故

治宜破格土

全苦寒救補湯

見第九舌

不次急投服至灰黑色退紋裂自平

則立愈如舊說僅用涼膈散調胃承氣下之熱不退則不

敢再用寒涼遂歸於不治姑息貽禍也

第八十四灰根黃尖中赤舌腸胃燥熱也如大渴謔語或

五六日不大便者以大承氣急下之如瘟

疫證熱證惡寒脈浮者酌用涼膈散

第十四舌

雙解散

見四十九舌舊說是也

第八十五灰色重暈舌此瘟病熱毒傳徧

三陰也熱毒傳內一次舌增灰暈一層最

危之證急用涼膈散或雙解散

見黃連解

灰色重暈



灰根黃尖中赤



毒湯大承氣湯下之一暈尙輕二暈爲重三暈必死亦有橫紋二三層者與此不殊舊說如此尙合理惟熱毒傳裏已深涼膈雙解二方嫌有表藥不宜解毒湯太輕大承氣僅能利下而未能透涼藏府不如用十全苦寒救補湯四倍加生石膏不次急投服至灰暈退淨爲止雖見二三重暈均能救活

第八十六灰黑乾刺舌傷寒邪傳少陰口燥咽乾證偶見

灰黑乾刺



此舌宜大承氣下之或藏府實熱已極大熱大渴胸中煩躁內痛脹滿飲食不進一食卽吐常作乾嘔等證宜十全苦寒救補


湯不次急投服至灰黑色淨則立愈舊說必待其轉失氣乃下之則遲疑誤人矣

傷寒論陽明篇少與小承氣湯腹中轉失氣者有燥屎也乃可攻之

彼係熱邪初傳陽明故用探試之法今見灰黑舌且有乾刺是熱邪已結陰分無可疑矣

第八十七灰黑尖舌傷寒已經汗解而見舌尖灰黑有宿

灰黑尖



食未消或又傷飲食熱邪復盛之故也以調胃承氣下之舊說是也若雜病裏熱見此舌宜大承氣湯重加黃連

灰黑尖乾刺



第八十八灰黑尖乾刺舌舌尖灰黑有刺而乾是得病後猶如常飲食之故雖證見耳聾脇痛發熱口苦非少陽病勿用小柴

胡宜大柴胡湯

見第五舌


或調胃承氣加消導藥舊說是也

第八十九灰中墨滑舌淡淡灰色中間有滑苔四五點如

墨汁此熱邪傳裏而腹有積食未化宜大

柴胡湯舊說是也

灰中墨滑




第九十灰黑根黃舌如苔厚乾燥刮之不淨者乃熱入厥

陰藏府實熱而脾胃之火尤熾也其證多

爲胃有積滯二便閉發單燒熱大渴消水

自汗不止出至頸而以下不出者諸病急

灰黑根黃




宜十全苦寒救補湯以收汗服至二便利則熱渴自汗必

止待舌色明淨則全愈舊說謂傷寒六七日不利便發熱而渴汗出不止者正氣脫必死其說未盡然也

第九十一淡灰中紫舌瘟疫中臟者居多傷寒邪傳手少

淡灰中紫



陰熱逼心經者亦有之其證多卒然倒地不省人事或狂妄昏迷或疾呼大叫或自齧舌尖或拍胸嗟恨不等治宜三黃瀉心

湯

大黃黃連黃芩

加黃蘗連翹木通生甘草不次急投服至舌色

漸淨則必愈若稍涉遲疑淡灰轉黑淡紫轉藍邪毒攻心已甚而傷腐脾胃則不治矣舊說云自齧舌尖少陰厥氣逆上非藥可治者蓋誤於遲疑耳

第九十二灰色黑暈舌乃熱毒中藏府火氣交攻故全舌



灰色兼起黑暈時疫熱毒中脾胃逼及於
腎多見此舌傷寒救治失宜邪陷厥陰亦
有此舌不論何證何脈將十全苦寒救補

湯分爲二劑先服大承氣後服三黃白虎等藥循環急投

至黑暈灰色漸退則愈舊說知急下之而用酒泡大黃則

誤矣

凡治實熱及疫症宜生大黃專瀉陽分之火治陰虛

證宜酒浸九蒸熟大黃治傷寒證宜酒洗大黃以一
洗爲度若泡製太過失其生氣凝而不走潤而不涼
投之實熱人必將陽分之病引入陰分更難治也

第九十三灰黑弦紅舌乃脾胃實火鬱結不得流通也傷

寒化火傳入陽明而逼太陰者亦有之不論何證何脈宜



大承氣湯不次急投服至灰黑色退淨則必愈舊說云三四次下之方退若五六次下之不退不治者此未澈底明白之談也

第九十四心灰弦黃舌乃藏府本熱毒疫復中脾胃也宜



三黃大承氣急下之則愈或傷寒證誤服補中藥燥傷脾胃者宜大柴胡湯下之如下見黑糞急以破格苦寒救補湯不次速

投至舌淨則必愈舊說云不治者誤也

第九十五微灰生刺舌疫邪中脾胃居多或實熱人誤服溫補辛燥藥所致不論老少何證何脈見此舌即宜十全

微生灰刺



苦寒救補湯分二劑

先大承氣後不次急

投至舌淨乃愈舊說用三消飲

見三十則

兼有表藥

羌葛柴胡也舌色如溫藥橫柳此皆裏證斷不可表

薑棗也此時切忌溫

老人用生脈散

人參麥冬五味甘補酸清必欲住熱邪矣皆謬誤

第九十六裂紋舌血液灼枯也內熱失治邪火毒熾者有

之宜大承氣急下以救真陰則裂紋自平

裂紋



舊說是也


第九十七短硬或卷舌凡舌短由於生就者

乃初生時將含口之血吞

下之

故無關壽夭若因病縮短不能伸出者危證也傷寒邪

短或硬卷



陷三陰及實熱證火逼三陰皆能短舌不論何脈當辨其苔色如確是內熱則宜大承氣急下以救真陰若少陰自絕症則不

治凡舌硬者

即強舌木舌重舌腫舌大舌之類

藏府俱熱而心經尤熱也

宜十全苦寒救補湯加黃連連翹

各二錢

不次急服凡舌卷

者傷寒邪入厥陰舌卷囊縮目睛直視乃藏府極熱而肝

血涸也宜十全苦寒救補湯加羚羊角

三錢

不次急投則愈

舊說未盡善

紅舌總論

全舌淡紅不淺不深者平人也有所偏則爲病表裏虛實

熱證皆有紅舌惟寒證則無之如全舌無苔色淺紅者氣

血虛也色深紅者氣血熱也色赤紅者藏府俱熱也色紫

紅瘀紅者藏府熱極也中時疫者有之誤服溫補者有之

色鮮紅無苔無點無津

津舌底出無液

液舌面浮者

陰虛火炎也

可作熱論虛極不能生苔

色灼紅無苔無點而膠乾者陰虛水涸也色

絳紅無苔無點光亮如錢或半舌薄小而有直紋或有泛

漲而似膠非膠或無津液而咽乾帶澇不等紅光不活絳


色難名

如豬腰將腐難以言狀

水涸火炎陰虛已極也瘦人多火偏

於實熱醫者拘於外貌輒指爲虛誤服溫補灼傷真陰或
誤服滋補名爲滋陰降火實則膩滯漸耗真陰亦成絳舌
而爲陰虛難療矣其初必有黃苔醫者不知久之內傷已
之病自生者極少多由醫家誤用補藥逼成也不論病狀如何見絳舌則不吉舌
鑑舊載總論引仲景云冬傷於寒至春變爲溫病至夏變
爲熱病故舌紅面赤此專指瘟疫與傷寒也而紅舌各病
實非瘟疫傷寒所可賅括勿泥古以致誤

純紅



紅

第九十八純紅舌非純而不雜卽瘀紅之
色也藏府極熱者中時疫者誤服溫補者
皆有之宜三黃白虎加連翹或大小承氣

等藥酌用

但求病愈不必拘合古方

此舌亦有表證者則兩臉周身必

發熱頭暈目眩乍熱乍寒脈浮數邪熱在太陽也宜薄荷

荊芥竹葉葛根生甘草涼散表邪不可遽用寒涼攻下舊

說專指表症用人參敗毒散

人參羌活獨活柴胡前胡桔梗川芎枳殼茯苓甘草

余

恪守家訓不敢妄用人參

喻嘉言謂用參數分入表藥中助元氣以爲驅邪之主余謂今

昔物性不同今日之參只能升提溫補投之實熱人徒補邪氣耳

柴胡升燥少陽經羌活

獨活通燥諸經必風邪深入方可用

若熱邪在太陽用之適引邪入他經

第九十九紅中淡黑舌藏府實熱也不論

何病何脈皆裏證

無表證

傷寒傳裏大發燒

熱結胸煩躁二便秘雙目直視或疫毒中

紅中淡黑



舊說先汗後下又以結胸爲不治殊未當也

與六十五六十八七十二

七十三七十六九十三諸條參看

第一百紅中焦黑舌藏府俱熱而脾胃尤熱也誤服溫補


及中時疫者有之不論何脈皆屬裏證宜十全苦寒救補湯倍加生石膏不次急投勿稍遲疑以服至焦黑退淨爲準則必愈



舊說近是尙嫌姑息

第一百零一紅內黑尖舌藏府皆熱而心經尤熱也傷寒邪火逼手少陰瘟熱直中手少陰誤服補心藥熱傷心血

紅內黑尖



者皆有之宜大承氣湯加黃連三錢連翹黃芩各二錢服至黑尖退淨則愈舊說謂

足少陰瘟熱乘手太陰用竹葉石膏未當

第一百零二紅斷紋裂舌如舌色赤紅厚苔膩而裂紋者

紅斷紋裂



藏府實熱也宜十全苦寒救補湯倍加犀角如灼紅色即比絳色略鮮無苔無點而紋裂者陰虛火炎也舊說用黃連解毒湯加麥冬

可也

陽火陽藥陰火陰藥誤投必敗

第一百零三紅色紫瘡舌瘡在心肺經位者乃時疫毒中

心肺或楊梅毒注心肺皆有之宜十全苦寒救補湯倍加

紅紫色瘡



生石膏黃連不次急投至瘡平則愈舊說

謂瘟疫煩渴或欬用解毒湯

見四並益元

散加黑參薄荷

此時非大承氣不能驅毒非白虎不能救陰解毒益

元輕不濟事黑參爲陰分涼藥病在陽火而反瀉陰火則無益有損薄荷亦不對證尺脈無則死病重

脈亂當舍脈憑舌皆不明治法之論也

第一百零四中紅根微黃舌傷寒邪傳陽明胃府宜白虎

中紅微黃



湯若頭汗身涼小便難者宜茵陳蒿湯加


梔子香豉舊說是也若無病人見此舌爲

藏府微熱可以勿藥

倘有病發勿投溫補

第一百零五紅中微黃滑舌傷寒病五七日舌中見黃苔

紅中微黃滑



則爲陽明證如脈沈實諸語雖苦滑亦宜
大柴胡湯若乾燥者內邪熱盛也急以大
承氣下之舊說是也如無病人有此舌是

藏府本熱而飲食復留溼熱也行動卽消化可勿用藥

第一百零六紅長脈出口外舌熱毒乘心也內服三黃瀉

紅長脈出口外



心湯大黃黃連黃芩外用銀針砭去惡血從舌之脾經輕針以出毒若誤中筋絡來血不止亦足誤人以龍腦香卽上冰片也人中黃滲之卽愈舊說是也如不針則合

用大承氣三黃瀉心湯不次急投必大瀉頻瀉乃愈

第一百零七紅飮舌天行燥火時疫症有之全舌必紫而

紅 飮

紅

兼瘀藏府爲疫毒內攻逼迫心經所以舌長出口外時弄不止或飮上下唇左右口角或飮至鼻尖不等宜十全苦寒救補湯

倍加川連生石膏不次急投至舌收回乃愈知治法者可

以十全否則十無一生舊說用解毒湯加生地必不效也

第一百零八紅痿舌痿者輒而不能動也淡紅痿者宜補

紅 痿

氣血深紅痿者宜涼氣血赤紅痿者宜清涼藏府紫紅痿者宜寒涼藏府并攻瀉之鮮紅灼紅痿者宜滋陰降火惟絳紅痿者

陰虧已極無藥可治舊說祇云紅痿而不分類謬甚

第一百零九紅硬舌藏府實熱已極又爲燥火侵淫誤服

溫藥則舌根強硬不能言語或時疫直中

三陰者亦有之

均裏症實熱症無表症虛寒症

宜十全苦

寒救補湯不次急服必愈舊說未當

紅硬

強硬

第一百一十紅尖出血舌乃手少陰心經邪熱壅盛所致

紅尖出血

出血

宜三黃瀉心湯加黃蘗連翹生地

各三錢

真

犀角尖

六錢

不次急服則愈舊說論證尙合

而用藥嫌雜

舊用加減犀角地黃湯內有當歸赤芍桔梗便丹皮等皆於

邪旺時不宜

第一百一十一紅中雙灰乾舌藏府皆熱而脾胃尤亟也傷



寒邪入胃府發熱譫語循衣撮空者常有此舌實熱人飲食鬱結者亦有之不論何脈宜十全苦寒救補湯分二劑先大承氣湯後三黃白虎

不次急投循環連服將黑糞下淨則愈舊說謂下黑糞則

死謬甚

是泥於書而臨證少也

第一百十二尖紅根白苔舌紅尖是本色白苔爲表邪浮



薄滑者如惡寒身熱頭痛宜汗之不惡寒身熱頭痛煩渴者太陽表證也宜五苓散兩解之舊說尙是惟此舌不應列於紅舌中

表證初起往往不顯於舌若白苔厚膩則又爲裏熱證須參

看白舌總論及第一
一第二三各條

第一百十三紅戰舌鵝掉不安蠕蠕微動也深紅赤紅而

戰者宜三黃石膏等湯紫紅瘀紅而戰者

宜三黃白虎大承氣淡紅而戰者宜十全

大補湯

人參白朮茯苓甘草熟地
川芎當歸白芍黃耆肉桂

鮮紅灼

紅而戰者宜六味地黃湯

熟地山茱萸山藥
茯苓丹皮澤瀉

此舌虛火實

火皆有之

均裏證
無表證


誤治卽壞舊說指爲汗多亡陽或漏風

所致且不詳辨而概用溫補謬也

第一百十四紅細枯長舌如絳紅無苔乾枯細長而有直

紋透舌尖者陰虧已甚少陰之氣絕於內不能上通舌根

紅纖枯長



故不顯苔也命絕難治

聊用滋陰降火亦數行而已

若

赤紫紅色中間尚能顯苔膩者

黃黑雖有不等

雖有

直紋透尖亦作為藏府實熱症

不作陰虛

宜三

黃白虎大承氣合投可愈

倘用二冬二地等滋陰藥引入陰分即難治

辨之詳

慎方不誤人

第一百十五紅短白泡舌口瘡舌短有泡聲啞咽乾煩躁

紅短白泡



者乃瘟疫強汗或傷寒未汗而變宜酌用三黃石膏犀角舊說是也

第一百十六邊紅通尖黑乾舌藏府實熱而心肺脾胃尤

紅通尖黑



亟也傷寒傳少陰證燥暑中少陰證瘟疫症雜病實熱證皆有之不論何病何脈宜十全苦寒救補湯不次連服則必愈舊說

急下再下以平爲期是也

第一百十七紅尖紫刺舌乃心經極熱而又受邪火薰蒸

紅尖紫刺



也宜大承氣湯加黃連五錢連翹三錢急服則

愈舊說用枳實梔子豉湯加大黃雖下而

不甚涼芒刺再生又不敢連投安得不危

第一百十八紅尖黑根舌心腎火熾脾胃受困也傷寒邪

入陰瘟疫毒中陰實熱鬱傷陰皆有之不論何證何脈用

紅尖黑棋

大承氣急下以去其毒用三黃白虎急涼

以救其陰一方連環服至黑退則愈舊說

未善

彼謂瘟疫二三日可微下之四五日後舌變深黑下無濟矣若邪結於咽

目瞑脈絕油汗者一二日內死蓋微下則不能去毒僅一下之而不開以大涼藥則不能挽回已傷之陰又偶爾嘗試無膽無識安得不死耶○此條須參看黑舌總論及第七十三舌

第一百十九紅嫩無津舌全舌鮮紅柔嫩而無津液望之

似潤而實燥潤者乃陰虛火旺也宜十全

鮮紅

甘寒救補湯

與十全苦寒不
同見第八十舌

常服之舊說

用生脈散

人參麥冬
北五味

人參三白湯

人參 白茯苓

芥白朮白
芍薑棗


醫家積弊誤人不少

五味白芍酸斂人參燥肺
苓朮薑棗皆溫補以此治

陰虛人則腎火愈
旺真水益虧矣

第一百二十生癰舌全舌純紅而有小黑點者藏府皆熱

生癰



也傷寒邪傳陽明府失治以致邪火逼入
三陰證或疫毒直中三陰證或實熱人誤
服辛溫藥燥傷三陰證均有之不論老少

何病何脈見此舌即宜十全苦寒救補湯倍加真犀尖連

服必愈舊說用元參升麻葛根湯及化癰湯

即白虎湯除
梗米加人參

誤人多矣

非陰火何可用元參非表證何可用升
麻葛根熱毒正旺何可用參以補邪火舉世甘

受其誤願衛生者勿泥古不化焉

第一百二十一將癰舌即第九十八純紅舌也治法亦同

將瘟

純紅

舊說又以將瘟舌別其名殊屬無謂

第一百二十二紅星舌全舌純紅而有深紅星乃藏府血

紅星



分皆熱也中燥火者中疫毒者實熱人誤服溫補者皆有之其病多大熱大渴心胸脹滿皮膚燥癢日夜不能眠大便秘小便

滴不等

均屬裏症

宜十全苦寒救補湯急投舊說指爲傷寒將

發黃用茵陳湯合五苓散誤也


熱毒傳裏茵陳蒿湯不濟事五苓散內有苓朮肉桂

皆於熱人不宜

第一百二十三裏圈舌淡紅中有紅暈而絳又純黑乃心

包絡蘊熱復受邪火侵入二火相逼故顯

此舌宜大承氣下之舊說是也



第一百二十四人裂舌紅色中有裂紋如人字者君火燔

灼熱毒炎上故發裂也宜涼膈散

見第四十舌

如渴甚燥熱者宜大承氣湯下之舊說是

也不論白紅黃黑各舌若中有裂紋如川字又字人字不等或裂開直槽者多由



實熱人誤服溫補藥熱火在藏府相爭所致大承氣雖能下毒而未能涼沁腸胃宜以白虎湯與承氣循環服不知者以爲太重實則力求周密之策也凡治實熱內逼之症皆宜如此

第一百二十五蟲碎舌紅舌中更有紅點如蟲碎之狀者

熱毒熾盛也宜小承氣湯下之不退再用

大承氣舊說是也

然不如將十全苦寒救補湯分爲大承氣三黃

白虎等二劑循環連服以舌淨爲度



第一百二十六厥陰舌舊圖繪全舌純紅內有黑絲紋環

其後方正而不達邊余以爲凡舌色純紅

兼顯黑絲必非寒證當是熱氣結於足少

陰宜用寒涼藥而舊說指爲陰毒中厥陰




以理中四逆湯溫之未知合否寒涼之判吉凶所繫余未見過此舌不敢妄斷請識者辨之

紫色舌總論

紫見全舌藏府皆熱極也見於舌之某經卽某經鬱熱也傷寒邪化火者中時疫者內熱薰蒸者誤服溫補者酒食溼滯者皆有紫舌有表裏實熱證無虛寒證若淡紫中夾別色則亦有虛寒證凡辨舌無苔則論舌之本色有苔則憑苔之見色參之望聞問切以判表裏寒熱虛實之真假雖不中不遠矣余數十年來但知有紫色舌未聞有紫苔舌但見紫舌爲各種熱症未聞概屬酒後傷寒舊本專指酒後傷寒未免拘執

第一百二十七純紫舌傷寒以葱酒發汗酒毒入心或酒


純紫



後傷寒皆有之宜升麻葛根湯加石膏滑石若心煩懊憹宜梔子豉湯否則發癰疽說尙是然紫舌非專屬傷寒也如傷寒邪化火或中時疫毒或誤服溫補或內熱鬱結諸症皆有之均宜十全苦寒救補湯急服

第一百二十八紫中紅癰舌渾紫而又起紅癰或渾身更

紫




發赤癰者宜化癰湯

見一百二十舌

三黃解毒湯

紅



加青黛或涼膈散

見四十五舌

或消癰青黛飲

青黛

癰



黃連犀角石膏知母梔子元參生地柴胡人參甘草黃蘗加醋一匙和服大便實者

去人參加大黃此同節菴方也

舊說近是惟元參生地柴胡人參黃蘗醋

七者皆與陽火實熱裏症不對當除去乃效若泥古方不敢加減亦足誤人

痼證

第一百二十九紫上白滑舌此藏府本熱或因感冒時邪



身熱惡寒頭痛者宜紫蘇薄荷荊芥甘草等輕表之若白苔不滑而厚膩則實熱內蓄也如無表證宜苦寒清裏藥舊說謂酒

後感寒或誤飲冷酒所致亦令人身熱頭痛惡寒隨證解表可也

第一百三十淡紫青筋舌淡紫帶青而濕潤中絳青黑筋者乃寒邪直中陰經也必身涼四肢厥冷脈沈緩或沈弦



宜四逆湯

甘草乾薑附子

理中湯

人參甘草白朮乾薑

小腹

痛甚者宜回陽救急湯

即并四逆理中又加肉桂半夏五味

茯苓陳皮也

舊說是也若舌不溼潤而乾苦則

是實熱宜涼劑

第一百三十一紫上赤腫乾焦舌舊說舌邊紫而中心赤



腫足陽明受邪或已下後即食酒肉邪熱

復聚所致若赤腫津潤大柴胡湯微利之

若煩躁厥逆脈伏先用枳實理中湯

即理中湯

加枳實次用小承氣是仍指傷寒證有寒食結胸也若雜

病見此舌乃脾胃實熱已極不論何脈將十全苦寒救補

湯分二劑一大承氣湯循環急投服至赤腫消則必愈過
於遲疑勢必誤人

第一百三十二紫上黃苔乾燥舌乃藏府素熱脾胃尤甚

或嗜酒積熱或燥火入裏或誤服溫補所

致皆實熱裏證

無表證


宜十全苦寒救補湯

對證加減連服則愈舊說用大承氣近是

用大柴胡則非也



紫短



第一百三十三紫短舌色紫短而團團食

滯中宮又熱傳厥陰也急以大承氣下之

舊說尙是又云下後熱退脈靜舌柔和者

生否則死是不知舍脈憑舌之治法也余意必當下淨其

積涼透其熱

以十全苦寒救補分兩劑循環急投

若偶爾嘗試遲疑誤人

第一百三十四紫上黃芩溼潤舌外淡青紫而中有黃芩

紫

淡青紫

黃

黃陸

離

淡青紫

溼滑潤澤食傷太陰也脈必沈細心下膈

旁按之便痛或轉失氣者小承氣加生附

子或黃龍湯

即大承氣加甘草人參當歸桔梗薑棗陶節菴用治邪熱

傳裏謔語發渴心下硬痛胃有燥屎卻利清水名結熱利症非漏底傷寒也

舊說尙是余意熱

邪既深入總無須溫以附子表以桔梗補以參薑棗也原

本專指傷寒證之傷食者若雜病裏症有黃芩必熱宜下

而兼涼

第一百三十五紫尖蓂蕾舌熱毒中心血也時疫酒溼楊


紫尖蓂蕾



梅等證皆有之宜三黃犀角連翹銀花
大黃大青各三錢治之舊說仍指爲傷寒不
戒酒食所致殊未當也

第一百三十六熟紫老乾舌藏府熱極又因邪傳厥陰也

熟紫老乾




惟有十全苦寒救補湯分劑連投先服大承氣次
服三黃白虎犀角等藥服至舌色嫩淨則愈遲疑則
不治舊說明知是熱邪傳陰而仍用當歸

四逆湯之溫補謬極

第一百三十七淡紫帶青舌青紫無苔多水滑潤而瘦小

淡紫帶青滑



爲傷寒直中腎肝陰證宜吳茱萸湯
吳茱萸湯參生薑大棗治胃氣虛寒中有寒飲者
 四逆湯溫之舊說是也

第一百三十八淡紫灰心舌或青黑不燥不濕者爲傷寒

淡紫灰心



邪傷血分雖有下證只宜犀角地黃湯
白芍丹皮犀角加酒洗大黃微利之舊說近是若
 雜病裏證參看九十三舌


微醬色舌總論

微音眉物中
久雨青黑也

微醬色者有黃赤兼黑之狀乃藏府本熱而夾有宿食也
凡內熱久鬱者夾食中暑者夾食傷寒傳太陰者皆有之
見此舌不論何證何脈皆屬裏證實熱證無表證虛寒證
舊論謂苔薄用桂枝湯加枳橘半夏苔色厚爲土邪尅水
鮮有得愈者皆謬說也

第一百三十九純微醬色舌爲實熱蒸胃宿食困脾傷寒

純微醬色



傳陰中暑煩躁腹痛瀉利閉結大渴大熱
皆有此舌不論老少何病何脈宜十全苦
寒救補湯連服則愈舊說謂下之不通必

死駭人誤人

第一百四十四微黃色黃苔舌全舌微色中有黃苔實熱鬱

積顯然可見宜大承氣連服舊說用二陳

加枳實黃連恐未必效也



第一百四十一中微浮厚舌宿食在中鬱久內熱胃傷脾

困也或刮不淨而頃刻復生者不論何證

何脈宜十全苦寒救補湯分二劑先大承氣次三

黃白虎等藥循環急服則愈舊說用枳實理中




湯加薑炒川連此治寒實結胸者與此舌不對

藍舌總論

藍者綠與青碧相合猶染色之三藍也舌見藍色而尙能生苔者藏府雖傷未甚猶可醫治若光藍無苔者不論何證何脈皆屬氣血極虧勢難延年舊論泥於五行謂金木相并火土氣絕不分有苔無苔概云不治亦管窺之見耳第一百四十二純藍色舌凡病舌見藍光無苔者不治若

純藍舌



藍色而有苔者心肝肺脾胃爲陽火內攻熱傷氣分以致筋不行血也其證有顛狂大熱大渴哭笑怒罵搥胸驚怪不等宜十全苦寒救補湯倍加生石膏黃連急服則愈若孕婦舌見

純藍者胎死腹中也宜下之

第一百四十三藍紋舌有藍色之紋也在傷寒爲胃氣衰

小柴胡去黃芩加炮薑若因寒實結滯者

宜附子理中湯或大建中湯急投

黃芪當歸桂心

藍紋



芍藥人參甘草
半夏附子薑棗舊說尙合

妊娠傷寒舌總論

余家訓望舌分經察色辨苦但求於表裏寒熱虛實詳審
明確卽得治法要領初無男婦老少之殊亦無妊娠傷寒
之異名也治孕婦勿誤用損胎之藥然亦不能妄用保胎
藥以助火而擾胎夫表有感邪必發散之裏有虛寒必溫
補之倘裏有實熱留之爲害亦必攻瀉之內經所謂有故
無殞也有故者有病也言用重藥時適對其病則病當之而無害也如孕婦或有黃黑舌厚苔膩芒刺大便閉者亦可酌用生大黃元明粉等藥以去大熱而不傷胎知此則不必別立妊娠傷寒
一門舊本舌鑑既有圖說因踵爲之辯不敢人云亦云將


錯就錯

舊論謂邪入經絡輕則母傷重則子傷而視母舌以知子色澤則安色敗則斃面赤舌青者子死母

活面舌俱青出沫者母子俱死亦有面舌皆白而母子並死者蓋色不澤也

第一百四十四孕婦傷寒白舌初傷於寒身熱頭痛無汗

孕婦傷寒白舌



兩臉鼻氣俱熱脈浮舌上白浮滑者宜溫散太陽表藥得汗則愈若無表邪證而有白浮滑苔或白嫩無苔溼潤者則裏虛寒

也宜溫中之藥

孕婦之病非專屬傷寒而白苔之舌又兼有諸病須參看白舌總論

第一百四十五孕婦傷寒黃苔舌邪已化火宜白虎湯急

孕婦傷寒黃苔



服則愈若稍遲疑恐即傳陰傷寒治法男女無殊若非傷寒即為裏熱宜白虎三黃審證酌用

參看白黃舌總論

第一百四十六孕婦傷寒灰黑舌乃熱逼三陰之候不論

傷寒傳陰實火傷陰必須苦寒急涼宜三

黃白虎生大黃元明粉陳厚樸生枳壳等

酌用熱清則胎安慎勿妄用安胎補藥致

孕婦傷寒灰黑

灰黑

益熱而胎氣上冲

舊說謂面舌俱黑水火相刑子母俱死面赤舌微黑者還當保胎如見灰黑胎

必不固若面赤則根本未傷宜急下以救母此醫家相傳粉飾之談耳○黑舌亦有虛寒者須參看黑舌總論

第一百四十七孕婦純赤舌

色紅過於尋常也

藏府俱熱也不必

拘於傷寒當作實熱證治宜三黃白虎并

投則子母俱安萬無可慮舊說泥定傷寒

又指面白爲氣虛而投薑桂竊慮如火益

孕婦純赤

熱有損無益

第一百四十八孕婦紫青舌傷寒無此舌其或有者乃熱

體誤投溫補胞胎受熱上沖所致宜以三

孕婦紫青

紫青

黃解毒散誤藥則母子俱危

紫青爲熱若青紫則爲寒

辨之宜慎舊說謂傷寒夾食非也

第一百四十九孕婦傷寒卷短舌面黑而舌乾卷短或黃

孕婦傷寒卷短

乾卷短

黑刺裂乃傷寒化火傳足厥陰也宜大承

氣湯以元明粉代朴硝急瀉之則愈舊說

謂不瀉則熱邪傷胎瀉之則危在頃刻此

見識未透耳若明於醫者除暴卽以安良無多疑慮

以上一百四十九舌傷寒雜病皆有之大半爲重病不常見者其輕病常見之舌分經別色辨其表裏及某經寒熱虛實不必拘定圖說庶能隨機應變虛則衛母實則泄子急則治標緩則治本審病用藥以平爲期補瀉溫涼無或軒輊原本後附古案新案諸條力言用補藥保全黑舌不可枚舉命意偏重溫補是但知甘溫爲補而不知當用苦寒之時雖瀉亦補也原本又論燕都王生黑舌既用甘溫大劑復用冷水一二斗妄治而愈彼亦不知其故輒歸功於溫補以余觀之安知非熱病而得力於冷水乎總之黑舌有實熱有虛寒區別之法已詳總論若不將病源認明

在先而以探試俾中之藥味表彰於後斷定某藥可治某
舌鮮不傳誤矣

萬縣王文選刻傷寒舌鑑於活人心法內而跋其後曰以
手拭舌滑而軟者病屬陰粗而燥者病屬陽胸喜熱物者
病在陰胸喜冷飲者病屬陽病在陰者宜溫宜散在陽者
宜解宜下數語尙是然閱者若固執鮮通必多遺誤何也
虛寒者舌固滑而軟邪初傳裏者真熱假寒者亦間有滑
軟之舌實熱者與邪入陰者舌固粗而燥陰虛水涸者真
寒假熱者亦或有粗燥之舌其別異處虛寒證必全舌色
淡白骨嫩無點無碎縫無餘苔邪初傳裏證全舌白滑而

有浮膩苔寒滯積中者舌亦相類惟問所因以辨證耳真

熱假寒症必全舌色白而有點花罅裂積沙各實苔不等

面苔刮不淨底色卻隱紅多刮欲嘔或乾嘔重刮沙點旁
或出血少許假證最惑人宜慎辨之以上爲滑軟舌之別

真寒假熱證全舌亦或黑色乾焦裂芒刺厚苔惟用老生

薑切平輕擦卽脫淨舌底必淡白而不紅或口呼渴而不

多飲水者也

若用薑擦之而苔堅不退或口極渴而飲水
常多者是實熱甚也寒熱之判關乎生死

實熱者與邪火入陰之證全舌必有或黃或黑積膩乾焦

罅裂芒刺等苔陰虛水涸者全舌必絳色無苔或有橫直

罅紋而舌短小不等

以上爲粗燥舌之別

至若胸喜熱物者不必定

屬虛寒

真熱假寒者
胸亦喜熱物

胸喜冷飲者不必定屬實熱

真寒假
熱者胸

三金方卷之二
亦喜 又當別之舌色苦苦參之望聞問切以窮其變
冷飲

辯正諸條輒言用苦寒重劑不次急投蓋察舌色苔狀與
病證毫無疑義確知急病不可緩治必神速方能奏功苟
逡巡退縮拘於一日一劑勢必貽誤古所謂藥到病除者
謂用藥已到勝病之分量病方能痊到者藥力之到也或
數劑而到或數十百劑方到非入口卽愈也此中消息惟
閱歷深者知之若心氣粗浮察舌不準審證未確遽執余
說妄投重劑又將致禍所願辨舌者小心謹慎於表裏寒
熱虛實六字鑒別至當庶幾經權正變悉合中庸余恪遵
家訓用自攝養非欲與世爭長過承垂詢不敢人云亦云

舊布愚忱遑問知我罪我

金城王之璽

校字

洮陽胡海珍

舌鑑辨正卷二終

附治白喉方

青魚膽

一箇
他魚膽亦可

青布

橫直一尺

葱白

七箇

右藥用罐煎水至三沸頻頻漱之必令吐沫而後止萬不可咽下此方不知傳自何人光緒十一年劉漁珊太守在新疆忽染此症時同病者十三人七人已不治劉君垂危勺漿不入三日矣家人環泣料量後事適於敝簾中翻出此方依方治之卽能飲食翼日平復如常矣分治五人亦立愈